



17490

Mag. St. Dr.

Stęgoński Wencelau: Vera iustificatio Aca-
demiae Crac. opposita falsae Chrysoti-
phori Nayman Iustificatiōni - Declarata

PANEG. et VITAE

Polon. 4^e

AE 592.

Biblioteka Jagiellońska



stdr0002991

IV

CH
Iu

Pa

In

3

—S(†)S—
V E R A
IVSTIFICATIO
ACADEMIÆ CRAC:
OPPOSITA.

F A L S Æ
CHRISTOPHORI NAYMAN

Iustificationi, cum graui Iudiciorum Came-
ræ Apostolicæ, & Academiæ Crac: in-
iuria, extra impressæ, Cracouiæ
sparsæ.

DECLARATA.

Per Nobilem WENCESLAVM STRZEGOCKI
Academiæ Crac: Alumnum.

Pro inclyta Matre, Contra degenerem,
& rebellem Partum.

Cum Licentia Superiorum.

CRACOVIE,
In Officinâ Christophori Schedelij, S. R. M. Typographi,
Anno D. 1646. Die



Nihil turpius aut molestius maledictio
in auctorem recidente; sed sicut re-
fractum lumen, magis lædit imbe-
cillos oculos: ita & maledicta, gra-
uius offendunt, ab ipsa veritate, in
maledictum retorta. *Plutarchus de uti-*
lit. ex inimicis ca-
pienda,

17490 I



I

is, (c
lgra
ce &
tar
sua
vbi
fru
dat
pro
ab
tri
lice
me
tat
file



VERA IUSTIFICATIO

ACADEMIÆ CRAC.

D Christophorus Nayman, olim in Academia Cracouiensi ominosus & notabilis, (vt exitus docuit,) Medicinæ Professor: cum lgrauia damna, in tenuibus fundis *Swieborowice* & *Pielgrzymowice*, eidem Academix *hereditarijs* dedisset: non vsque satiauit cupiditatem suam, nisi omni genere iniuriarum, innocentem vbiuis persequeretur Academiam. Tertium lustrum est, ex quo rem non suam, sed piarum Fundationum fructus, per illum violentè interceptos, repetit Academia: nullis interea parcitum est ab illo Contumelijs, & Pasquinis, apud populum intriuis, Academix iniuriosè lacerandæ. Sed hæc licet grauissima, & plurimùm acerba fuissent; tamen Vniuersitas modestâ dissimulauit taciturnitate: Sunt enim quædam ita fatua, quæ iustius alto silentio, quàm litigio vindicantur verboso. Sed cū

idem *Nayman*, Romæ, in loco Sancto, Vrbe tam celebri, omnium Emporio gentium, post decreta ibidem pro Academia obtenta; rursum ad vilipendium Decretorum Cameræ Apostolicæ, pro parte Academiæ obtentorum, Contra Academiam, Iustificationem suam famosam, in quam Crac: mandato supremi officij, flammâ vindicatum est, iterum edidisset: eamq; Eminentissimo Principi D. *Carolo Medices S. R. E. Cardinali* inscripsisset: ibique Academiam Nostram, & Professores, sicut Publicanos tractet; se autem falsò & malitiosè iustificet: nefas erat tam acerbam & infamē nobis contumeliam, in Principe Vrbe, vbi caput Religionis nostræ est, apud Eminentissimum Principem irrogatam, ibidem à *Naymano* iniuriosò Conuiliatore, conuulsores Ecclesiæ, S. Sedi rebelles Academicos, appellatos, dissimulare.

Idcirco ego, pro matre mea, vbi institutus sum, pietate & officio meo exigentibus. D. *Christophoro Nayman* respondebo: idq; sine dente, & vngue: se enim magis offendit, qui proximum sine causa lædit.

Iustificationem D. *Christophori Nayman* non puto.

puto veram, etiam censeo falsam: Cum Iustificatio
Dilectione, & Pœnitentiâ opus habeat: neutrum,
autem in hac D. *Nayman* Iustificatione, conti-
neatur.

Quæ enim hæc erat Matris Academiæ in D.
Nayman, quæ eum aluerât, educarât, & (cùm in-
tra metas officij sui se contineret) tuebatur; dile-
ctio? quam omnibus contumeliis, ex triuio quæsi-
tis, hætenus vexauit, lacerauit? Cuius leges, Ma-
gistratum, Iurisdictionem, conculcauit, traduxit?
etiam omnia Diuina & humana, in violanda vni-
uersitate permiscuit? omnium Hæreticorum per
Prussiam officinas Typographicas excussit: vt cõ-
tra Academiam exindè, ludibria & cachinnos pro-
funderet infames. Consularia Acta Crac: primùm
nænijs Academiæ iniuriosis infecit, & polluit: &
plurima falsa, contumeliosa, per Regnum contra
Academiam sparsit. Quid tum ageret Academia?
quàm vt pro honore suo, & innocentia, contra ho-
stilem se erigeret impetitionem: atque eum, qui &
de damnis non leuibus sibi datis non responderet:
etiam quod longè acerbius est, nouas contumelias,
veteribus adderet iniurijs, in ordine suo non agno-

sceret. Vnde falsò se iactat, *Ordinis Academici*, à quo pridem, sua malignitate excidit insolenti.

Quod quidem iure suo, Academia & ex Priuilegio fecit; quod iubet; omnes rebelles, pænis pro modo delicti còercere: aut si frænū legū momorderint; vt indomitas & nullius caueæ patientes feras: procul eijcere. Fuit hoc semper benè ordinatis vfi-
tatū Rebus publicis: vt acrioribus suppliciis, ciuē domesticum perniciosum: quàm hostem coercent externum. Hic tum appellare ad S. Sedem *Nayman*, quod non est negatum ab officio Academico; si modò per subsellia ordinaria, primò apud Consiliarios Vniuersitatis, atque ipsam Vniuersitatem, tūm apud Illustrissimum D. Episcopū Crac: tanquam Cancellarium Academiae; experiri & cò-
queri de iniuria prætenfa voluisset. Sic leges Vniuersitatis & Priuilegia, nobis à S. Sede Romana còfirmata disponunt. Etiam & Sacrosanctum Concilium Tridentinum, Ultra montanos, primò apud Episcopum quemq; suum, in prima instantiâ de iure suo, docere iubet.

Tantò magis Academicos, qui Professionibus suis, & Cathedris alligati: litibus longè persequendis, de-

dis, distrahi non possunt, sine detrimento Professionis, & publicæ utilitatis. Expediuit interea, præter ordinem & consuetudinem vsitatam, D. *Nayman* Româ citationē, quàm Academia subito suo Agenti cōmiserat, sed ille nouus hospes Romæ, in quo iudicio agitanda foret, cū scire non posset, non negligentia, aut officij contemptu; sed in experientia iuris & loci, non attentauit. Hic triumphat pars Actorea.

Monitorium expeditum, sed non præsentatum parti, vt iuris est, & quibus, & qua formula oportuit, nec Sigillis & subscriptione officiosa ostensa. (Hoc enim semper egit D. *Nayman*, vt non tam ad iuris formulam, quàm ad artem attenderet suam, vt quouis modo irretiret Academiam.) Hæc cū non visa essent, tamen non sine suspitione & metu erant; adhibuit diligentiam Academia, nè quid iuri suo derogaretur: vel, vt nè quid ab aduersa parte, contra rem suam obtineretur. Sed acrior fuit aduersarij in Academia vexanda malignitas; quàm nostra per Agentes Custodia: non ad citata parte nostra, clām confinxit D. *Nayman* intra paucos dies, Contrauentionem: Executoremque Contra-
uentio-

uersionis Monitorij (cum non docuisset in iudicio, præsente parte, fuisse contrauentum) Reuerendis: olim Thomam Oborsky Suffraganeum, Crac: hominem pietatis commemorandæ; sed tamen humanitùs affectum ad partem, delegit ad fulminandam contra Academiam, & Spectab. Consulatam Crac: Excommunicationem.

Per valuas templorum Crac: affixit chartas infames; sub titulo Reuerendis: olim D. Suffraganei Crac: in quibus totam ferè Vniuersitatem studij Crac: & Consulatam Crac: paucis exceptis, de nomine & cognomine, rarâ & inusitata malitiâ, ad irridendum plebi proposuit. Missum est ab vtraque parte offensa, eodem ipso die, ad Reuerendis. D. Suffraganeum; doceret de suo iure, & officio exequendi; ille verò (tametsi nomine suo scriptum esset, in chartis ad valuas templorum affixis: ostendendam facultatem exequendi, cuiq; poscenti & requirenti) requisitus, apud *Naymanum* ista esse dixit: nō ostendit, nō potuit, quia nō habuit quicquā. Protestatum est de insigni iniuria, tam honori Academicō, quàm Consulari illata. Ita ad exterrendum innocentes Academicos, & Spectab. Consulatam

latum Crac : auctoritate Reuerendis. D. Thomæ
Oborsky D. *Nayman* vsus, & potestate iudiciaria,
quæ illi non concesserat hoc, abusus.

Expediuit amplius, quo colore & qua præten-
sione ignotum est, contra Academiam, & Specta-
bilem Consulatam, nesciente parte, neque interim
etiam ad citato Agente partis, Romæ : Criminatus
Academicos, vt raptores, & vsurpatores clauium
S. Petri; rebelles S. Sedi, & alia, quæcunq; illi odi-
um & furor, contra innocentem Academiam ius-
sit. Obtentum, non contradicente quoquã; præ-
sertim ignorante parte. Obtentum, tamẽ quòd non
afficeret partem, in quantum de iure; nisi palàm &
notoriè contrauenientem. Cum verò scriptum es-
set in Decreto. *ILLVSTRIS: DNI Caesaris Argelij*
iuxta narrata. *Afficere partem prout de iure:* D. *Nay-*
man ex *Afficere* fecit *Affigere*, & Decretum Came-
ræ Apostolicæ, magna Academiæ iniuria, falsifica-
uit: plerisq; in locis erasit: aliud pro alio substituit;
& hoc iterum ad valuas omnium templorum Crac:
in scriptis pluriũ, etiã ex *Illustr: Cap: Crac:* tam A-
ademicorum, quàm Spectabilium Consulium no-
minibus, affixit. Et quidem non monstrato hoc
ipso In-

ipſo Inſtrumento Illuſtriſſimo & Reuerendiſſimo
Domino Loci Ordinario, vt legitimè, ſi quæ fuiſ-
ſet, Executio haberetur. Ipſe inſtabat, ipſe exe-
quebatur, & quò diutius intamia Academiæ adhæ-
reſceret: noctu ad valuas templorum, chartas De-
creti falſificati, tenaci applicabat glutino. Percre-
buit illicò fama prætenſæ Excommunicationis;
omnes tanquam fulmine percuſſi inopinato: turba-
ri conſcientia, animo mœrere, vicem ſuam conquæ-
ri, ab Illuſtris: & Reuerendis: D. Epifcopo tanquã
Academiæ Cancellario, Conſilia & remedia quæ-
rere: inſtrumentum Originale ad veriſicandum,
repoſcere: D. autem *Nayman* poſt turbas tantas
datas, ſe abdidit occultè, vt nè præſentare adigere-
tur falſificatum.

Itum eſt ſubitò ad Illuſtris: & Reuerendis: D.
Nuncium Apoſtolicum Warſzauiam, pro ſubleua-
tione, in caſu prætenſæ Excommnicationis, quan-
tumlibet vitiatæ. Miratus eſt Illuſtr: primùm tot
perſonas, Statu & Conditione differentes, pleraſq;
non quantiuis pretij, vna calamitate inuolui, &
quaſi repentino fulmine afflari. Suſpectam deinde
ſibi eam rem videri, viſa forma Decreti publicati in-
ſolenter

solentèr, quæ esset præter morem, & stylum graue;
& Sanctum Romanum.

Dedit insuper de hoc ipso negotio, litteras ad
Illustrissimum D. *Christophorum Widman*, signifi-
cans, quantum consecutum fuisset scandalum, ad
vnius hominis Laici, falsam contra Clerum dela-
tionem: innocenter, sine culpa, tot capita, etiam
pleraq; in Magistratu Ecclesiæ posita, mulctari:
Illustris: autem D. *Christophorus Widman* vtriusq;
signature SS. D. N. Papæ Referendarius, nec non
Curia causarum Camera Apostolica, Generalis Au-
ditor, ac *iudex Ordinarius*, parte vtrâque audita,
atque rationibus vtrinq; grauitèr expensis, & exa-
minatis, decreuit iustissimè.

*Affertas vexationes, ex causa recursus habiti, ad
Sedem Apostolicam à D. Nayman: etiam super petita
notificatione, & intimatione prædictorum, tanquam
de facto emanatas, & nullis documentis & iuribus
fuisse suffultas, & esse præsumptas, temerarias, inde-
bitas, inualidas, & nullius roboris & efficaciæ. Illasq;
propterea omni iuris effectu carere; & minimè fuisse ad-
mittendas, timēdas, & attendēdas, & nulla tenus affice-
re potuisse, & posse, nec de iure debuisse, nec debere.*

Hæc de iure ac æquitate pro parte Academiæ
Crac:, Illustris: *Curie Causarum Camera Apo-*
stolicæ Generalis Auditor: Academiam iusto De-
creto absoluit, D. *Christophori Nayman*, præsum-
ptas vexationes, ex causa recursus, ad Sedem Apo-
stolicam nullis iuribus & documentis, suffultas fuis-
se, decreuit. Si enim aliqua fuissent iura legitimi
recursus, ea in iudicio D. *Nayman* produxisset;
præcipuè cum haberet D. *Borovichium* in causa
sua vigilantem Patronum: optimè respondentem
de iure, etiam ab amicis Academiæ; olim Acade-
micis, sibi nō leuitè cōmendatum. Cū verò nihil
eiusmodi productū fuisset contra: pro innocentia
Academiæ; iustè & sanctè decisum. Sed quia hæc
res, non iuxta arbitrium D. *Nayman* (quod ille re-
gulam omnium iudicum, & iudiciorum vult ha-
bere) cecidit, ideò post Decretum æquissimi *Iudi-*
cis Camera Apostolicæ: Iustificationem suam in-
nouat, de qua in iudicio filuit. Sed non attendit,
vt ignarus legum & iuris diuini, quod Iustificatio
sine opere iusto, nulla sit: opus autem iustum est,
reddere vnicuiq; quod suum est.

Si Iustificationem suam apud Eminentissimum
Cardina:

Cardinalem Romæ deducit; quare eandem ipsam
in Polonia, coram officio Academico; aut si illud
suspectum haberet, coram Consulari: vel si neque
hoc ipsum admitteret, in *Comissione S. R. M.* quare
non declaravit?

Insuper, Romæ habito negotio, quare hanc suā
Iustificationem, sibi per semetipsum imputatam,
coram *Illustissimo Camera Apostolicæ Audito-*
re dissimulavit? Nimirum, quia prætensæ innocē-
tiæ suæ, spectatores tantum, non cognitores, nec iu-
dices, vult habere: Nunquam ille, in iudicio vlllo
volebat iudicari; sed falsas duntaxat, & illegitimas,
vbiuis opponebat Inhibitiones. Quæ est ista
obsecro Iustificatio? Academicos, qui iure suo,
ab eo repetunt pias Foundationes, ex tenuibus ab eo-
dem subductas fundis: supellestilem non tenu-
em Oeconomicam, solo fundi affixam, ab eodem
conuasatam, aliò translata: sylvas vastatas, & ex-
cisas: hæc quia repetunt, ideò Conuulsore Eccle-
siæ, ideò auctoritatis S. Sedis Apostolicæ violato-
res, nominare?

Hæc Iustificatio est D. Nayman? qui cū an-
tea ad modum gracilis in literis esset; nunc acribi-

le tumens, libros peregrè imprimit: quibus non
aliam materiam, quàm atram bilem, contra Me-
thodum Galeni infarcit, quam in faciem hominum
despuat innocentum. Sed in se spuit, qui spuit ad-
uersus Olympum. Seipsum coinquinat, qui hone-
statem de honestat alienam.

Nimirum hæc iustificatio *D. Nayman*, quæ in
Regno consistere non potuit, peregrè vt feralis bu-
bo, ex suis nata Cineribus Cracouiæ per quen-
dam Laicum, tenuem Causarum Patronum, ad in-
famiam alienam, emissæ volitat; cum tamen iste
Consultor aliorum, parùm ad modum in rem suam
consultit, vbi dentes venenatos spargit, non intelli-
gens, quàm lætam ex tali semente fit habiturus
messem. Scilicet ille facit, vt aliquid, ad rem suam
exilem & satis macram, ab extremis sui abradat
principalis.

Sed ad *Illustrijs: D. Episcopum Crac:* appella-
uit *D. Nayman*? Non negatum fuisset, si legitimè,
& ordine seruato, subselliorum iuris Academici,
prouocatum fuisset Cùm etiam non rarò, vt né a-
lienis occupentur *Illustrijs: D. D. nostri Episcopi*, si-
ne causa næniis: Academicas res, ad Rectorem, v-
bipq-

bi priùs de illis non planè cognitum efset, remittant. Priùs ergo Dño. *Nayman*, à Rectore ad Confiliarios, ab his, ad Vniuersitatem, eundū erat: quòd si ab omnibus istis, duriùs secum agi, visum illi fuisset: *Illustris: & Reuerendiss: D. Cancellarij Academiæ*, iudicium erat implorandum. Sed *D. Nayman*, supra modum perniciosa malitia, ordinem iudiciorum nostrorum, nobis à SS. Fundatoribus descriptum, à S. Sede Romana confirmatum; perturbare, conculcare voluit; prout hoc ipsum laudabiliter sibi fecisse videtur.

Vndè nulla fuit Iudicum, ab *Illustris: D. Episcopo Crac:* super ea causa (vt comminiscitur *D. Nayman*) designatio; amicos Illustrissimus dederat, ex *Illustr: Capitulo Crac:* Prælatos & Canonicos: ad cognoscèdum vtrinq; de negotio. Cupiebat enim *Illustr:* pro sua in omnes bonitate, controuersiam istam diuturnā, & in dies acerbiores, placidissimè componere. Etiam de peculio suo, si ita exili fortuna efset, *D. Naymano* offerebat: vt congrueret cum Vniuersitate. Sed maior fuit *Naymani* temeritas, quam *Illustrissimi* benignitas, cum neutrum vellet. Quando enim *Dño. Nayman* Prælati & Ca-

monici, vt testes oculati dicerēt quod verum: eum-
quē ad satisfaciendum Academiae inducerent; non
ad mentem videbantur. Propterea, non sine iniu-
ria sua, ab eodem repudiati: de quo etiam apud
Illustrissimum & Reuerendissimum D. Episcopum,
questi sunt; Palam esse, (inquires) quomodo
permisceat Academiam *D. Nayman*, si nobiscum
in tam breui tempore, inciuiliter, & inhumaniter,
quod non ad sensum eius diceremus, egit.

Apud *Illustrissimum D. Archiepiscopum Gnesn.*
vt nulla fuit appellatio, ita nulla (contra quod con-
fingit *D. Christophorus*) causae cognitio, neq; ci-
tatio vlla ab *Illustrissimo* Academiae missa.

Fuit *D. Nayman*, apud *Illustris: D. Archiepi-
scopum*, exposuit verbosè prætenlas iniurias; scri-
psit ex tunc obeā causā *Illustris: D. Archiepiscopus*
ad *Illustris: D. Episcopum* Crac: se nolle cogno-
scere de negotio isto, cūm Academici possint suas,
obtendere exemptiones, & quia *D. Nayman* venit
sine Processu, & ordine iudiciario, vellet sua *Celsi-
tudo*, controuersiam istam componere. Quod &
factum fuisset ab *Illustrissimo D. Cancellario Aca-
demia*; nisi ita accidisset, quod in Phrenetici Cura-
tione,

tionem, benefactori suo non rarò vsuuenit, cum perferat ab eo plerumq; , cui benè consultum vult Hæc ergo nobis grauiter dolet iniuria, Cum D. *Christophorus Nayman*, ea confingit iniuriosè contra Academiam, quæ nunquam fuerunt, nec probari, vnquam possunt. Proinde, cùm statim à principio suæ Iustificationis, ignaros rerum decipit; quomodo ex falsis, verum deducet præmissis?

Vulnera quæritur sibi inflicta D. Nayman, ab Academia? Scilicet vt ille quispiam, aduersarium suum, quem grauiter cruentasset, adhuc tamen in iudicium vocauit, quod non totum in eius corpore telum defixisset. Non aliter D. *Nayman* queritur, quod adhuc Academia supersit, post infames eius Pasquinos, qui caput & vitam petunt, contra se, vbiuis dissipatos. Quo enim iniuriæ genere contra Academiam abstinuit? cum eruditionem, honestatem, probitatem, eius antiquam, impudèti lingua temerasset, & violasset? Et cùm neque hæc, tam atrocia auditu, eius inflammato contra Academiam satis essent odio: etiam Religionem, Ecclesiam, Venerationem supremi in Ecclesia Catholica Pastoris, nobis falsò eripit; & in media Vrbe

C

Roma

Roma, Principe Religionis nostræ, audet plusquã gladiatoria audacia, Academicos Crac: *Conuulsores Ecclesiæ, S. Sedi Apostolicæ rebelles*, falsò traducere: & apud Eminentissimum *Cardinalem D. Carolum Medices*, accusare. Cùm tamen idem ipse iniuriosus Conuitiator, verissimè omnia diuina, & humana conuulsisset iura; *Diuina* quidem, falsificando literas Apostolicas: auctoritatem Excommunicandi quoslibet, etiam qui ad causam non pertinerent, sibi illegittimè usurpando, Academicos innocentes per Ecclesiarum valuas, ad scandalum plebis, & status Clericalis irrisionem, traducendo: Ecclesiæ Summates in Regno nostro, suis aculeis fatuis tangendo. *Humana* verò cum neminem Magistratum, etiã supremum in Regno, recognosceret, cuius auctoritatem respiceret, & potestatem.

Ne crede Eminentiss: Princeps, quicquid scribitur ad Eminentiss. V. Celsit. contra Academiam Crac: quia sunt conficta iniuriosè, maledici Conuiciatoris Commenta. Academia innocens, ab illo magnas accepit, in bonis suis laceratis, & honestate traducta crimosè, iniurias: & post ista, tam nobis

quã
el/so.
tra.
D.
ipse
a, &
fifi-
om-
on-
emi-
nda-
du-
fuis
emi-
o, re-
po-
scri-
iam
Con-
illo
esta-
m-
obis

nobis acerba accepta vulnera; etiam nũm, nè per
somnia quidem, furorem & odium in Academi-
am, relaxat.

Non est credibile, vt omnes, præsertim in benè
ordinata Vniuersitate, (hominum conditionis Ec-
clesiasticæ, vita & moribus, & vocatione sua, mo-
destiam profitentium, & docentium simul) con-
tra vnum sint: nisi ille grauitèr impudens, & mali-
tiosus habeatur: qui statum in quo non paucis vi-
xit annis, extremè rursum oppugnet, eius Iurisdic-
tionem, & leges sacrosanctas conuellat. Talis est
delator hic noster iniuriosus, Vniuersalitèr in om-
nes iniustus, cùm neminem habeat in Vniuersitate,
ad quem, ab eo non pertineat, iniuria profecta. Ex
quo congruum non est rationi, plùs vni ex odio &
affectu, quàm omnibus pro statu, & legibus suis di-
centibus, fidei haberi.

Longè à vero est, quod eum Academicà pro-
sterneret, vt comminiscitur, potentiã: Academi-
ci & pauperes sunt, & paucis exceptis Sacer-
dotes: quibus voluntas, & facultas, cuiquam-
procul absunt nocendi. Ipsa eum malignitas
eius & virulentia prostrauit: si tamen prostra-
uit quan-

C2

uit, quando vsq; adhuc non desinit omnes rabiose mordere. Sed nimirum, quando Magistratui parere vellet nulli: contra eius, rebellionem, quod no-
luit, est consecutum.

Quæ autem Pænitentia eius, tam noxia & acerb-
ba? Româ scribit Supplices ad *Illustrissimos Prin-*
cipes libellos; eos tamen impiè stultis incelsit obe-
lis. Vnde hæc eius pænitentia mordax ir-
ritat magis, quàm sedat dolorem. Romæ in illo
Gentium omnium Emporio, in loco sanctitatis, *Witembergenses* appellat Academicos Crac: eos, qui
S. Sedi Apostolicæ obedientiam, & primam in
loco Dei Venerationem debent, & semper à prima
Fundatione, iam tertium sæculum, præstant: Qui
neminem admittunt in numerum suorum, prius-
quàm omnes abiuret, & detestetur Hæreses: eodē-
que iusiurando *S. Ecclesiæ Romanæ*, se adstringat.
Contra hæc tamen, tam manifesta, tam vetusta &
vfitata, non erubescit conuitiari D. *Nayman*; ita
feruet Academiæ odio, vt cum illi vera desint: falsa
conquirat contra eādem commenta. Talibus cau-
sam suam iniquam deducit argumentis; cum ta-
men res ista Romæ iam, per *Illustrissimā Camera A-*
postolicæ

postolicæ iudicem, & Ordinarium Auditorem, iure, & æquitate mediante, est decisa, & iudicata.

Ille verò, cùm Decretis contrauenit Apostolicis, idcirco Apostolicā, quantum in eo est, posthabet, & contemnit auctoritatem; dignus profectò qui iterum Romæ inuisat, *Tullianum*. Nullum enim illi tam sanctum iudicium est, quod non sua contumacia, audeat temerare.

Existimabat nimirum, se maledicentia sua, de Academia dignitate detrahare posse: Academia verò, ab eius graui, & impiâ, magis floret, & propagatur, insectatione.

*Duris ut ilex tunsa bipennibus; ipso
Ducit opes, animumq; ab hoste:*

Sed quid ita persequor iniurias, à *Naymano* Matri Academiae illatas? Cùm & olim mater sua Naturalis, eum post iniurias, non rarò ab eodem acceptas, domo suâ frequenter, tanquam partum exturbaret degenerem. Cùm nec Adm. R. Frater suus, olim Canonicus Crac: cum eo semper fraterne cohæret. Testari posset si viueret Adm. R. *Ioannes Crofner, l. V. D. & Professor*, qui eum, non rarò fratri suo conciliauit: Vltimus & luctuosus fratris sui,

vsque modò omnibus commemorandí, exitus do-
cuit: cui ille vt Fratri suo dilectissimo, manu & arte
suâ, Fatum præter ætatem, accersuit. Neque tan-
tùm in Matrem, & Fratrem, insignitèr fuit iniurio-
sus; sed etiam superstites Filios, & Filiã, & Generũ,
probitate sua, & hominum existimatione, omnibus
commendatum; vni soli inuisum, Auiæ suæ, & Pa-
trui bonis relictis; (sua enim inter mimas alia, alia
inter lites cum omnibus assiduas) confecit: eijcit
& priuat iniuriosè. In omnes insuper, domesticos,
externos, amicos, familiares, odio, & iracundiæ
ardet acerbitate; vt iam leuiora quadantenis quæ
perfert ab illo Academia, videantur: cum nec à do-
mo sua, & cognatione, quasi rediuiuus Timon, in-
humana sibi temperet, feritate. Non commemo-
ro *Fraieros, Gucios, Bogusławios, Pisarscios, V. Ec-*
clesiæ Omnium SS. Capitulum; pupillorum & pupil-
larum viscatam Tutelam. Satis dixit, qui vniuersa-
litèr litigiosum dixit.

Talis verò, & tam Crudelis, non solùm Acade-
miæ, sed omnium hominum turbator, infamis, &
extorris, procul patriã viuet: & nisi resipuerit, at-
que de maledicentiã, damnis, quanta cuique de-
derit,

derit, refusis, non simulatè pœnituerit; Crabronibus quibus altus, & educatus est, in suo sepulchro insculptis: infamis morietur.

Quam calamitatem ab illo *Academia Crac*: deprecatur, nec optat: imò precatur & optat, vt menti aliquando redditus meliori & saniori; intelligat, nullum falsum, quantalibet, fucatum cerusâ, posse vnquam, contra simplicem præualere veritatem. Confidit etiam, hæc eadem *Academia Crac*: iustissimo, & Sanctissimo Camera Apostolica Iudicio, quòd in illo rectissimo, quale est cæleste, Tribunali; prout iam, per Decreta sua iustissima habet, ampliùs habitura sit, ab impetitione vilitigatoris *Naymani* malignâ, Securitatem & Protectionem.







